

Dos stampia bunita pa conmemora 200 aña Fort Zoutman



ORANJESTAD (AAN): Awe 13 di Januari 1998, Servicio Postal ta emiti dos stampia special en conexon cu e di 200 aña di Fort Zoutman.

E stampianan aki lo ta obtenible na tur oficina di Post, y nan ta carga e titulo "200 years Fort Zoutman 1998".

Diseñador ta Evelino Fingal, y e denominacion di e stampianan ta 30 cent, y di 250 cent.

E stampianan a worde imprimi pa Johan Enschedé Security Printing na Haarlem, Hulanda.

Den tur dos stampia, esta di 30c y 250c, bo por mira strepinan vertical. E strepinan aki ta ripiti den tintanan bruin y blanco-preto. Den e strepinan cu tinta bruin bo por mira Fort Zoutman manera e tabata antes, mientras cu e tintanan blanco-preto ta mustrabo e forti den e ultimo añanan.

Tur e strepinan ta ilustra e Forti, con el a cambia atravez

di añanan. Simbolicamente e ta mustra tambe e existencia largo (pa Aruba) di Fort Zoutman. E ta un di e edificionan bieu mas preserva di Aruba. Aunke e Forti mes no a hunga un rol hopi importante den historia di Aruba, e estructura di su mes tin un balor historico.

Despues di 200 aña, Fort Zoutman keto bay ta un punto prominente den e escena di ciudad di Oranjestad.

Pa e texto riba e stampianan, colornan alegre a worde aplica en conexon cu e caracter festivo di e conmemoracion aki.

E Willem III Toren cu gradualmente a bira un parti di Fort Zoutman, originalmente no tabata pertenece na e Forti. Awendia Fort Zoutman casi ta inimaginable sin e Willem III Toren.

Fort Zoutman a worde construi na 1798, y ta e edificio di mas bieu di Aruba. El a worde construi como proteccion di e capital nobo. E Forti

aki ta haya su nomber di un admiral Hulandes, kende no tabatin nada di haber cu Aruba y ni cu e area Caribense mes. Ora cu e Forti a worde construi, tabata exactamente 15 aña despues cu Admiral Zoutman a logra di gana e convoy Britanico den Noordzee, durante e di cuatro Guerra Britanico, cual hecho a worde grandemente celebra.

Ora cu el a keda cla, Fort Zoutman tabata situa na e costa y arma cu cuatro cañon. E Forti a mira accion solamente dos biaha: Na 1799 ora cu un bapor Britanico, esta "Herione" a haci preparacion pa ataca, y e Forti a preveni esaki.

Seis aña despues Aruba tabata den mannan Britanico. Pa por kita e isla di nan, tropanan for di Curaçao a baha na Spaans Lagoen. Nan a cana rumbo pa Oranjestad cu intencion di ataca e Forti di atras, unda no tin cañon. Sinembargo e Britaniconan, a logra di core cu nan door di cuminsa tira usando 30 rifle. Despues cu Aruba tabata un

biaha mas bao di regimen Hulandes na 1816, masha poco a worde haci pa su mantencion. Como un simbolo di paz, gobierno a pone 200 mata di aloë worde poni den tera dentro di e murayanan di e Forti.

E Forti a worde usa despues solamente como un bateria pa dispara saludonan. Den e ultimo cuartel di Siglo 19, algun camber a worde construi dentro di e Forti pa oficianan di gobierno. Na 1907 el a bira cuartel di Polis y un Prison. Na 1928, e venezolanonan Rafael Simón Urbina y José Maria Fossi, kende a bin Aruba despues di nan intento fracasa pa tumba Presidente Juan Vicente Gómez, a pasa algun dia den Fort Zoutman.

E Toren dilanti di e Forti cu

ta forma e entrada actualmente, originalmente no tabata parti di e Forti. Na 1868 e toren aki a worde construi pa asina yuda cu e necesidad di un holosi publico. Ora cu el a keda cla, sinembargo, no a pone ningun holoshi aden, pero a worde traha como un lighthouse. Te na 1929 a pone un holoshi aden, y e mesun aña ey e parti ariba di e toren a worde altera. E lighthouse a keda traha te na 1963, ora cu e entrada di waf parti pabao a worde habri.

E leterman W III riba e entrada, nifica Willem di Derde, e rey cu e tempo ey tabata na mando. Awendia Fort Zoutman na Oranjestad ta sede di e Musero Historico di Aruba.

FOR RENT OR FOR SALE

Excellent located completely furnished house in the nice neighborhood of Ponton, Aruba. 3-bedrooms, 2-bathrooms, hall, kitchen/dining, livingroom, closed porch, maidroom w/bath.

Total built area: 225 m2

Rental price: Afl. 2,600 / month

Selling price: Afl. 350,000.--

Interested parties please call tel. 838254 Mrs. Arends.

ING TRUST

ING Trust (Aruba) vormt onderdeel van de internationaal operende Trust organisatie van di ING Groep N.V.. Het kantoor Aruba houdt zich voornamelijk bezig met het oprichten, beheren en administreren van vennootschappen gevestigd op en buiten Aruba.

In verband met de verdergaande groei van het kantoor en de ontwikkeling van nieuwe activiteiten zoeken wij op korte termijn een:

Administrateur m/v

De administrateur is belast met de dagelijkse administratieve werkzaamheden die verricht dienen te worden voor het kantoor op Aruba, waaronder de maandelijkse financiële rapportage naar het hoofdkantoor, cliënten administratie en facturatie. Daarnaast houdt de administrateur zich met administratieve werkzaamheden in verband met vennootschappen, waaronder het verzorgen van kwartaal- wn jaarcijfers.

Gevraagd wordt:

- minimaal afgeronde opleiding Moderne Bedrijfs Administratie
- ervaring op het gebied van het voeren van administratie van vennootschappen;
- minimaal 2 jaar ervaring in de functie van administrateur
- ervaring met geautoamtiseerde boekhouding, Wordperfect en Lotus;
- goede schriftelijke en mondelinge uitdrukkingsvaardigheid in de Nederlandse, Engelse en Spaanse taal.

Voor de bovengenoemde functie wordt afhankelijk van opleiding en ervaring, een goed salaris en uitstekende secundaire arbeidsvoorwaarden geboden.

Belangstellenden worden verzocht hun schriftelijke sollicitatie voorzien van een volledige Curriculum Vitae, binnen veertien dagen na het verschijnen van dit blad te richten aan:

ING TRUST (ARUBA) N.V.
P.O. BOX 4145, NOORD

DR. PABLO BRICEÑO PIMENTEL

FACS-FSAGES

Cirugia de la Vesicula biliar - Reflujo Esofagico
Colon-Utero y Ovarios Asistida por Video - Laparoscopia Clinica
el Avila 6a Transversal de Altamira, Caracas Lunes,
Miercoles y Viernes de 2 a 7 p.m.
Telefonos: Clinica 261 1444 - 2618083
276 1066 - 2761076
Habitacion: 2637329
Busca persona: 731 5111 - Clave 9800
Celular: 014 - 334441